

四庫全書

子部

欽定四庫全書

子部

喻林卷三十三

詳校官中書臣朱文翰

主事臣祁韻士覆勘

總校官原任中允臣王燕緒

校對官中書臣李斯咏

謄錄監生臣劉清礪

欽定四庫全書

喻林卷三十二

明

徐元太撰

人事門三十

修治

山上有冰蹇君子以反身修德

蹇易

山下有澤損君子以懲忿窒欲

損易

六四損其疾使遄有喜无咎

損易

六四井甃无咎象曰井甃无咎修井也

井易

鼎之倒趾失其所利鼎覆而不失其利在於寫出否穢

之物也

周易正義

他山之石可以爲錯

入聲

他山之石可以攻玉

詩小雅鶴鳴

玉之缺尚可磨鑢而平人君政教一失誰能反覆之

鄭氏

箋詩

抑

武公能學問聽諫以禮自修而成其德美如骨之見切

如象之見磋如玉之見琢如石之見磨以成其寶器

毛詩

正義

洪興

珠曰切象曰磋玉曰琢石曰磨木曰刻金曰鏤革曰剝

羽曰析

鄭氏註周禮天官太宰

醫師掌醫之政令聚毒藥以共醫事凡邦之有疾病者瘡瘍者造焉則使醫分而治之歲終則稽其醫事以制其食十全爲上十失一次之十失二次之十失三次之

十失四爲下

周禮天官醫師

凡療瘍以五毒攻之以五氣養之以五藥療之以五味節之凡藥以酸養骨以辛養筋以鹹養脉以苦養氣以

甘養肉以滑養竅

周禮天官瘍醫

物有不圓者規之使圓行有不周者正之使備猶規正

物然

春秋正義襄公十四年

西子蒙不潔則人皆掩鼻而過之雖有惡人齊戒沐浴

則可以祀上帝

孟子離婁下

如切如磋者道學也如琢如磨者自修也

大學

剏其瑕礫寡其蕭稂

爾雅序

玉石之被雕琢猶人自修飾

爾雅註

人之有冠猶宮室之有墻屋也糞除而已又何加焉

國語

晉

當以疾病爲諭安得不用湯藥針艾救之哉

顏氏家訓教子

王逸曰工明於所畫念其繩墨則曲木直而惡木好

史記

屈原列傳註

孫卿子曰拘木必待隱括蒸揉然後直也

後漢書鄧禹子訓傳註

被此篤病久榮衛動不安聞有韓衆藥信來給一丸

魏志

劉劭傳註

獨孤公猶鏡也每被磨瑩皎然益明

隋書高  
穎傳

隙大則崩毀將至故宜有以抵之也

鬼谷子  
抵巇

意不可恣也夫木之性以槩括自直可以人而不如木

乎子不見夫雞耶聚穀如陵跪而啄之若縱子之意則

與雞豈有異乎

孔叢子  
儒服

砥礪琢磨非金也而可以利金詩書辟立非我也而可

以厲心

說苑  
建本

揚水潛鑿使石潔白

焦氏易林  
豫之大過



諤言敗俗諤好敗則姑息敗德君子謹於言慎於好亟  
於時吾不見震風之能動聾瞶也

諤音于  
揚子問明

次七增其高乃其峭丘貞測曰增高乃峭與損皆行也

太玄經  
第一增

次八或擊之或刺之脩其玄鑒渝測曰擊之刺之過以

衰也

太玄經  
第一童

次七拂其惡從其淑雄黃食肉測曰拂惡從淑救凶也

太玄經  
第二從

次七達于砭割前亡後賴測曰達于砭割終以不廢也

太玄經  
第二達

次六息金消石往小來爽測曰息金消石美日大也

經第  
二格

初一斷心滅斧冥其繩矩測曰斷心滅斧內自治也

經第  
三斷

次三決其聾甦都計切利以治穢測曰決其聾甦利有謀

也  
太玄經  
第三斷

上九疾其疾巫暨不失測曰疾其疾能自暨也

太玄經  
第四常

次八豐牆峭阯三歲不築崩測曰豐牆之峭崩不遲也

太玄經  
第四大

次七視其瑕無穢測曰視其瑕能自矯也

太玄經  
第五視

次五黃兒以中蕃君子以之洗于愆測曰黃兒以中過

以洗也

太玄經  
第六失

次八輔其折廬

於各切

其缺其人暉且偈

音傑

測曰輔折廬

缺猶可善也

太玄經  
第六闕

次二割其眚尤贅利以無穢測曰割其眚贅惡不得大

也

太玄經  
第六割

刀不利於瓦石上剗之

許氏說  
文卷三

衣破者補帶短者續

武侯十六  
策陰察

貧劣宅屋不具墻壁宇達人指訾之如財貨富愈起屋

築墻以自蔽邨爲之具宅人弗復非

王充論衡  
率性篇

山野草茂鉤鑣斬刈乃成道路也士未入道門邪惡未

除猶山野草木未斬刈不成路也

王充論衡  
量智篇

夫惡猶疾也攻之則益悛不攻則日甚故君子相求也  
非特興善也將以攻惡也惡不廢則善不興自然之道  
也

徐幹中  
論虛道

痰痼結於府藏疾病散於肌體者必假脉診以察其盈  
虛投藥石以攻其所苦若心非嗜欲所亂病非寒暑所  
傷則醫師之用宜其廢也

張湛註列  
周穆王

世咸知積小可以高大而不悟損多可以至少夫九層  
起于累土高岸遂爲幽谷苟功無廢舍不期朝夕則無

微而不積無大而不虧矣今砥礪之與刀劍相磨不已

則知其將盡

張湛註  
列湯問

古人六十笑五十九不遠迷復乃覺有以也

抱朴子外  
篇重言

火所以成熟牲體今有脂肪之肉必當澡濯釜鼎以煮

滌之

太玄經第  
四竈解

鑿有疵也有疵者欲披除之

莊子音義  
庚桑楚

雲翳於日則不能照垢污於玉則不能光

文選陸士衡  
演連珠註

人咸知飾其容而莫知飾其性性之不飾或愆禮正斧

之藻之克念作聖

文選張華  
女史箴

療暑莫如親水救寒莫如重裘止謗莫如修身

意林物  
理論

浴者振衣沐者彈冠人知正服莫知行端

藝文類聚后  
妃部后妃箴

金雖能照塵積翳朗

藝文類聚人  
部交友箴

人咸知鏡其貌而莫能照其身

藝文類聚職  
官部丞相箴

雕良玉於庶歲鍊貞金於鑒鑒

藝文類聚職  
官部太傅碑

瞻彼緝狐既資良冶相諸筍玉猶待他山

藝文類聚禮  
部學校表

飛塵穢清流朝雲蔽日光秋蘭豈不芬鮑肆亂其芳河

決潰金堤一手不能障

藝文類聚  
地部塵詩

木以繩直金以淬剛必須砥礪就其鋒銳

太平御覽  
雜物部礪

夫絲捨而弗治則腐而棄使女絲之以爲美錦人君朝

而服之

太平御覽  
布帛部錦

與其澡於水寧澡於德水之清猶可穢也德之服不可

塵也

太平御覽服  
用部澡盤

其田雖良疇鋤乃芳其宅雖善修移乃昌

黃帝宅  
經上

田穢不修節莠並生田苗不起困倉虛空

道德經指  
歸卷九



形樂志苦病生於脉治之以灸刺形樂志樂病生於肉  
治之以鍼石形苦志樂病生於筋治之以熨引形苦志  
苦病生於咽嗑治之以百藥形數驚恐經絡不通病生

於不仁治之以按摩醪藥

黃帝素問內經  
血氣形志篇

譬如金鑛精加鑄鍊除去砂礫唯有真金造諸飾好嚴  
身之具

大寶積  
經二十

亦如人中毒迷悶心狂亂以火而灸療因此得除愈

大寶

積經三

十一

世間雖有諸醫充滿世界不能了知三種大患何以故  
彼皆不善又無智故而不能識貪瞋癡等三種大患彼  
無智醫非惟不識三種大患又不了知三大良藥對治  
三患何等爲三所謂不能了知貪欲大患不淨良藥而  
爲對治瞋恚大患慈心良藥而爲對治愚癡大患緣起  
良藥而爲對治如是諸醫惟能療治一二別病不能普  
治一切衆病惟能暫治少時降損非爲盡病畢竟除瘥

譬如垢衣以灰汁浣濯垢滅衣在何以故垢已去故以

垢去故衣得清淨

文殊師利問經卷下

重病離良醫療治方更劇

菩薩處胎經卷四

猶如上色金生垢不淨因火索鉛椎赤土人力磨拭瑩

治便得明淨

中阿含經卷五十五

譬如故車方便修治得有所至

長阿含經卷二

貪爲極熱病佛是大良醫

天請問經當三

不誦爲言垢不勤爲家垢不嚴爲色垢放逸爲事垢

法句

經塵垢品

第二十二

羸馬比良棄惡爲賢

法句經  
象喻品

譬如藥師三種病冷熱風病除滅故應病與藥佛如是

姪怒癡病隨藥滅

三昧法門  
經卷下

猶如彼巧匠者觀彼朽車嚴治修飾遠致重載無所缺

損

出曜經  
三欲品

身譬如地善意如禾惡意如草不去草穢禾實不成人

不去惡意亦不得道

三慧經  
藉八

學者有苦不學者無有苦譬如人田種當先  
犁去草穢便多得收是爲先苦不學者無有苦譬如地  
不犁續自生蒺藜惡物是爲不學無有苦

三慧經  
藉八

何名爲知病所起隨起用藥謂知其病或從風起或從  
癢起或從痰起或從癰起或從骨節起或積實所起知  
如是等病所起處隨用藥治令得安樂

醫喻  
經

譬如多食不消若不療治於身爲患

大智度論  
卷四十一

箭鏑在體雖沈深難拔良方妙術猶可令出

大智度論  
卷五十四

譬如垢膩之衣則以灰泥淹之經宿以水浣之一時都

去

大智度論  
卷九十三

又如金銀等諸寶不以輕賤故燒鍛磨打

大智度論  
卷九十八

譬如善浣衣師能除穢垢

大垂莊嚴  
經論卷六

若於寒時爲治寒苦追求覆障以爲對治若於熱時爲  
治熱苦追求沐浴以爲對治涉路作業有劬勞者爲治

勞苦求按摩等以爲對治

瑜伽師地論  
卷六十七

今當以慚愧水洗浴識塵執發露刀割覆藏網

法苑珠  
林卷二

三十

如百年垢衣可於一日浣令鮮淨

法苑珠林卷八十六

持正

天下有山遯君子以遠小人不惡而嚴

易遯

厭

入邑音

行露豈不夙夜謂行多露

詩國風行露

出其東門有女如雲雖則如雲匪我思存縞衣綦屨

音巾

聊樂我員

音云

出其閨

音因閣都

有女如荼

音徒雖則如荼

匪我思且

音疽

縞衣茹蘆聊可與娛

詩國風出其東門

非禮相陵則狗吠

毛詩野有死麕註

人皆涉我友未至我獨待之而不涉以言室家之道非

得所適貞女不行

毛詩匏有苦葉註

漢也江也其欲渡之者必有潛行乘泚之道今以廣長

之故故不可也喻女之貞潔犯禮而往將不至也

鄭氏箋詩

漢廣

木以高其枝葉之故故人不得就而止息也賢女雖出

游流水之上人無欲求犯禮者亦由貞潔使之然

鄭氏箋詩



漢廣

貞靜之女其美色姝然又能服從君子待禮而後動自

防如城隅然高而不可喻

毛詩正義靜女

諸侯之不可起行妄伐猶飛隼之不可飛揚妄作也

毛詩

正義  
泗水

樂易之君子其求福修德以俟之不爲回邪之行要之

如葛藟之延蔓於條枚是其性也

鄭氏註  
禮表記

子苟欲勉我以世路不知其跌而失吾之度也

後漢書  
崔駰列

傳

且一禮不備貞女恥之況命士乎

晉書皇甫謐傳

稟仲尼之道不在奔車之上資伯夷之運不處覆舟之

下

宋書顧覲之傳

卑而正者可增高而倚者且崩

說苑談叢

古者楊墨塞路孟子辭而闢之廓如也後之塞路者有

矣竊自比於孟子

揚子吾子篇

或問交五聲十二律也或雅或鄭何也曰中正則雅多

哇則鄭請問本曰黃鍾以生之中正以平之確乎鄭衛

不能入也

揚子吾子篇

鳳鳥跼跼匪堯之庭亨龍潛升其貞利乎

揚子問明

或問處秦之世抱周之書益乎曰舉世寒貂狐不亦燠

乎

揚子寡見

鉞錐所穿無不暢達使鉞錐末方穿物無一分之深矣

賢儒方節而行無鉞錐之銳固安能自穿取暢達之功

乎

王充論衡狀留篇

言欲使已變節而從俗猶鄉者欲釋階登天之態也

王逸

註楚辭

九章

言橘受命於江南不可移徙種於北地則化爲枳也屈

原自比志節如橘亦不可移徙也

王逸註楚辭九章

言人剗削方木欲以爲圜其常法度尚未廢以言讒人

譖逐放已欲使改行亦終守正而不易也

王逸註楚辭九章

安肯蹙太山之峻以適鑿枘之中斂垂天之羽爲戒旦

之役編於仕類而抑鬱庸兒之下捨鸞鳳之材適枳棘

之藪競腐鼠於踞鵠而枉尺以直尋哉

抱朴子外篇名寶

安肯銜沽以進趨揭其不貲之寶以競燕石之售哉

抱朴

子外篇

吳失

若能閤禮門以懸規標義路以植矩然後踰垣者折肱

捷徑者滅跡

文心雕龍奏啟

驥不驟進而求服兮鳳亦不貪餒而妄食

文選宋玉九辯

不仰操而苟容兮譬臨河而無航欲巧笑以干媚兮非

余心之所嘗

文選思立賦

既秉丹石心寧流素絲涕

文選謝朓出  
尚書省詩

珪璋雖特達明月難闇投

文選郭璞  
遊仙詩

志怛怛而內直兮履繩墨而不頗執權衡而無私兮稱

輕重而不差

補文選莊  
忌哀時命

刊方以爲圜兮常度未替

補文選屈  
原懷沙

令薜荔而爲理兮憚舉趾而緣木因芙蓉而爲媒兮憚

褰裳而濡足登高吾不說兮入下吾不能

廣文選屈  
平思美人

雖松梧之貞脆豈榮彫其異心

古文苑班婕  
妤好擣素賦

毛伯成既負其才氣常稱寧爲蘭摧玉折不作蕭敷艾

榮

世說新  
語言語

丈夫恥於受辱貞女羞於節虧

意林燕  
丹子

貞松隆冬以擢秀金菊吐翹以凌霜

藝文類聚歲  
時部秋賦

綠衣雖多無貴於色邪徑雖利無尚於直

藝文類聚后  
妃部后妃箴

吾將以清談爲筐篚以機神爲幣帛

藝文類聚產  
業部錢論

孔子病子貢出卜孔子曰子待也吾坐席不敢先居處

若齊食飲若祭吾卜之久矣

困學紀聞  
卷七論語

羣犬吠新客佞闇排踈賓直途既已塞曲路非所遵

何氏

語林  
言志

翎有六翮飛則冲天麋有四足走便入海下官膚體踈

嬾手足遲鈍不能逐飛追走遠事佞人

何氏語  
林方正

雖處穢惡无所染汚猶如明珠在沙磧中猶如蓮花

濁水內

元陽妙  
經卷五

能壞一切外道異論摧伏敵陣建立勝旂

無盡意菩  
薩經八

夫正道難毀邪理易退譬若輕羽在高遇風則飛細石



在谷逢流則轉唯泰山不爲飄風所動磐石不爲疾流  
所迴是以梅李見霜而落葉松栢歲寒之不凋信矣

弘明

集駁夷

夏論

立事不失道德猶調絃不失宮商

弘明集牟子理惑篇

慎始

天與水違行訟君子以作事謀始

易訟

凡教在初而法在始家瀆而後嚴之志變而後治之則

悔矣

王弼註  
易家人

陰陽之氣无爲故積馴履霜必至於堅冰以明人事有爲不可不制其節度故於履霜而遂以堅冰爲戒所以防漸慮微慎終于始也

周易正義坤

若生子罔不在厥初生自貽哲命

書召誥

王新即政始服行教化當如子之初生習爲善則善矣自遺智命無不在其初生爲政之道亦猶是也

孔氏傳書召誥

將大雨雪始必微溫雪自上下遇溫氣而搏謂之霰久而寒勝則大雪矣喻幽王之不親九族亦有漸自微至

甚如先霰後大雪

鄭氏箋  
詩類升

隰中有萋楚之草性生正直及其長大其猗儺然枝條  
柔弱不妄尋蔓草木以興人於少小之時能正直端慤

雖長大亦不妄淫恣情慾

毛詩正義  
隰有萋楚

鳳凰生而有仁義之意虎狼生而有貪戾之心兩者不  
等各以其母嗚呼戒之哉無養乳虎將傷天下故曰素

成胎教之道

大戴禮  
記保傳

源泉所來也委流所聚也始出一勺卒成不測

鄭氏註  
禮學記

趙文子冠見韓獻子獻子曰戒之此謂成人成人在始  
與善始與善善進善不善蔑由至矣始與不善不善進  
不善善亦蔑由至矣如草木之產也各以其物

國語  
晉

夫堅樹在始始不固本終必稿落

國語  
晉

且知子者賢父知臣者明君子不肖則家亡臣不忠則  
國亂國亂不可以安也家亡不可以全也是以君子防

其始聖人閑其端

晉書武  
帝紀

正其末者端其本善其後者慎其先

晉書潘  
岳傳

舊非本舊因新以成舊者也狎非先狎因疎以成狎者

也

宋書恩倖  
傳史臣

桓公觀於廐問廐吏曰廐何事最難廐吏未對管仲對  
曰夷吾嘗爲圉人矣傳馬棧最難先傳曲木曲木又求  
曲木曲木已傳直木無所施矣先傳直木直木又求直  
木直木已傳曲木亦無所施矣

管子  
小問

聖人之與人約結也上觀其事君也內觀其事親也必  
有可知之理然後約結約結而不襲於理後必相倍故

曰不重之結雖固必解道之用也貴其重也

管子  
心術

得魚在於投餌得語在於發端發端則語應投餌則魚

來

鬼谷子  
反應註

楊朱哭衢塗曰此夫過舉踴步而覺跌千里者夫哀哭  
之此亦榮辱安危存亡之衢已此其爲可哀甚於衢塗

荀子

王霸

南方有鳥名曰乾吉食其子不擇肉子常不遂今盼與  
鮒童子也隨大夫而化者不可養以不義之肉

列女傳  
周列國

晉羊叔姬

次三赤子扶扶元貞有終測曰赤子扶扶父母瞻也

太玄

經第一賢

初一羨於初其次迂塗測曰羨於初後難正也

太玄經第一羨

難伏卵而未孚始化之時謂之涅

方言第三

少小之人其志易徙有異於橘也

王逸註楚辭九章

譬猶練絲染之藍則青染之丹則赤十五之子其猶絲也其有所漸化爲善惡猶藍丹之染練絲使之爲青赤

也青赤一成真色無異是故楊子哭岐道墨子哭練絲也蓋傷離本不可復變也

王充論衡率性篇

匠流末者未若挺冶元兆之中整已然者不逮原本乎

玄樸之外

抱朴子外篇任命

俗諺曰教婦初來教兒嬰孩誠哉斯語

顏氏家訓教子

高以下基洪由纖起川廣自源成人在始

文選張華勵志詩

夫大事之將興也由水之出於山也始於潤濕見於漣漣綿綿涓涓流爲溪谷汨汨湯湯濟舟漂石以成江海



深大不測

道德經指  
歸卷十一

天地之道始必有終終必有始陽氣安於潛龍故能鑠

金陰氣寧於履霜故能凝冰木善秋毫故能百尋水樂

涓涓故能成海飛禽逸於卵殼故能高翔羣獸預於胎

孰故能遠走

道德經指  
歸卷十二

夫陟百仞之高岑發自初步履八門之苦難起自染心

道德經註

疏卷六

初正則終循幹立未可持

參同契

一炁無偏阿所種還自生植此荆棘根何由望蹇林虛皇

四十  
九章

譬如有人學善射術先自安立

大方廣佛華嚴  
經卷五十九

譬如甕器先貯毒藥投少石蜜不任食用

大集地藏十  
輪經卷六

猶如牛渡水導者而不正一切皆不正斯由本導故增壹

阿含經  
卷八

猶如有諸苦果之子所謂苦果苦參子葶藶子畢地槃  
特子及餘苦子便於良地種此諸子然後生苗猶復故

苦所以然者以其子本苦故

增壹阿含經卷八

要終

汜至亦未繙井羸其餅凶

易井

小狐雖能渡而無餘力將濟而濡其尾力竭於斯不能  
續終險難猶未足以濟也濟未濟者必有餘力也

王弼注易

未濟

雖汲水以至井上然綆出猶未離井口而鉤羸其餅而  
覆之也棄其方成之功雖有出井之勞而與未汲不異

喻人行常德須善始令終若有初无終則必致凶咎

周易

正義

不矜細行終累大德爲山九仞功虧一簣

書旅

未成一簣猶不爲山是以聖人乾乾日昃慎終如始

孔氏

傳書

旅焚

譬如爲山已高九仞其功虧損在於一簣惟少一簣而止猶尚不成山以喻樹德行政小有不終德政則不成

矣

尚書正義旅焚

有爲者辟若掘井掘井九軼而不及泉猶爲棄井也

孟子

盡心上

詩云行百里者半于九十此言末路之難

戰國策秦武王

始雖垂翅回谿終能奮翼黽池可謂失之東隅收之桑

榆

後漢書馮異傳

譬由行舟雖不橫截迅流然俄向所趣漸靡而往終得

其濟

晉書劉頌傳

經始獲其多福慮終取其少禍

晉書陸機傳

夫唯無損則至堅矣夫唯無益則至厚矣堅故終不損

厚故終不薄

晉書皇甫謐傳

築社之役蹶而築之端冕而事之神與之福

魏書古弼傳

能長保國者能終善者也諸侯竝立能終善者爲長列

士竝學能終善者爲師

晏子春秋諫上

且以巧鬪力者始乎陽常卒乎陰泰至則多奇巧以禮

飲酒者始乎治常卒乎亂泰至則多奇樂凡事亦然始

乎諒常卒乎鄙其作始也簡其將畢也必巨

莊子人間世

天地以日月不過陵谷不遷爲成人事以長保元亨考

終厥命爲成

鬼谷子本  
經陰符註

昔者江出於岷山其始出也其源可以濫觴及其至江之津也不放舟不避風則不可涉也非維下流水多耶

荀子  
子道

諺曰築社者攜擷而置之端冕而祀之今子與我取之而不與我置之與我置之而不與我祀之焉可

韓非子  
外儲說

左

至人不容若昧而撫若跌而據聖人之爲治漠然不見  
賢焉終而後知其可大也若日之行驥騏不能與之爭

遠

淮南子  
繆稱訓

雨之集無能霑待其止而能有濡矢之發無能貫待其

止而能有穿唯止能止衆止

淮南子  
說山訓

昔者宋人好善者三世不解家無故而黑牛生白犢以  
問先生先生曰此吉祥以饗鬼神居一年其父無故而  
盲牛又復生白犢其父又復使其子以問先生其子曰



前聽先生言而失明今有復問之柰何其父曰聖人之  
言先忤而後合其事未究固試往復問之其子又復問  
先生先生曰此吉祥也復以饗鬼神歸致命其父其父  
曰行先生之言也居一年其子又無故而盲其後楚攻  
宋圍其城當此之時易子而食析骸而炊丁壯者死老  
病童兒皆上城牢守而不下楚王大怒城已破諸城守  
者皆屠之此獨以父子盲之故得無乘城軍罷圍解則  
父子俱視夫禍福之轉而相生其變難見也

淮南子  
人間訓

故觀逐者於其反也而觀行者於其終也故舜放弟周公殺兄猶之爲仁也文公樹米曾子架羊猶之爲知也

淮南子

泰族訓

先睽後合其道通也文明上照幽暗分矣

京氏易傳睽上

爲善不直必終其曲爲醜不釋必終其惡

說苑談叢

官怠於官成病加於少愈禍生於懈惰孝衰於妻子察

此四者慎終如始詩曰靡不有初鮮克有終

說苑敬慎

或問德有始而無終與有終而無始也孰寧曰寧先病

而後瘳乎寧先瘳而後病乎

揚子孝至篇

上九從徽徽後乃登于階終測曰從徽徽後得功也

太玄

經第二從

上九日沒其光賁于東方用視厥始測曰日沒賁東終

顧始也

太玄經第五視

器非瑚簋必進銳而退速量擬伊呂雖發晚而到早是以鷦鷯倦翮猶不越乎蓬杪焉雖徐起顧眄而戾蒼昊

抱朴子外

篇博喻

進簣雖微終焉爲山

陶靖節集詩四言

吾見世人清名登而金貝入信譽顯而然諾虧不知後之戈戟毀前之干櫓也

顏氏家訓名實

本同末異楊朱興哀始素終玄墨翟垂涕

文選廬諶贈劉琨詩引

易曰狐涉水濡其尾此言始之易終之難也

困學紀聞卷一易

成王秀而獲寶其美在終昭帝苗而未秀其得在始

困學

紀聞卷十  
二攷史

王家門中優者龍鳳劣猶虎豹失蔭之後豈龍虎之議

何氏語林德行南  
史僧虔戒子書

譬如牛乳乳變爲酪酪爲生蘇生蘇爲熟蘇熟蘇爲醍  
醐醍醐爲第一當有乳時唯名爲乳不名爲酪蘇醍醐  
如是展轉至醍醐時唯名醍醐不名爲乳不名酪蘇長  
含經卷  
十七

譬如有一人俱發行入海或有到彼岸或而中斷絕  
道地經五  
陰成敗品

昔有衆人與十賈客相隨采寶歸家時有一人乘車載

寶無價明月雜寶無數車重頓躓失伴在後進不見伴  
退畏盜賊便隨邪徑御車涉路行未經里數車墜深澗  
軸折轂敗又在曠野無人之處椎骨喚呼怨訴無處對

車啼哭

出曜經四  
無放逸品

妖孽見福其惡未熟至其惡熟自受罪酷貞祥見禍其

善未熟至其善熟必受其福

法句經  
惡行品

西方有一國王素無馬減損國藏四出推求買得五百  
匹馬以防外敵足以安國養馬既久國中無事王便思

惟五百匹馬食用不少飼養煩勞無益國事便勅所典  
掩眼令磨可得自食不損國藏馬磨既久習於旋迴忽  
然鄰國興兵入境王便約勅被馬具莊勇將乘騎如戰  
鬪法鞭馬向陣欲直前入諸馬得鞭盡旋迴走無向敵  
意鄰賊見之知無所能即便直前大破王軍以是故知  
欲求善果報臨命終時心馬不亂則得隨意往不可不  
先調直心馬若不先調直心馬者死賊卒至心馬盤迴  
終不如意猶如王馬不能破賊保全其國是以行人善

心不可不常在於習心

衆經撰襍  
譬喻經

譬如毒食初雖香美久則殺人

大智度論  
卷十五

譬如美食惡食俱有雜毒食惡食即時不悅食美即時

甘悅久後俱奪命故二不應食

大智度論  
卷十八

譬如乘車西行南有止宿處故迴車趣向車與迴向處

異故可有迴向不得但有車而言迴向

大智度論  
卷五十四

譬如二人欲墮山頂一人有力善巧方便以巧便故雖墮還起得昇山頂一人力少復無方便即往還墮不能



復起

入大乘  
論卷上

勇爲

我聞吉人爲善惟日不足凶人爲不善亦惟日不足

書秦

誓中

吉人竭日以爲善凶人亦竭日以行惡

孔氏傳書  
秦誓中

雖淺陋衡門之下猶可以棲遲遊息以興雖地狹小國

之中猶可以興治致政

毛詩正義  
衡門

舉其前必舉其後舉其左必舉其右

大戴禮  
記少問

仁之勝不仁也猶水勝火今之爲仁者猶以一杯水救一車薪之火也不熄則謂之水不勝火此又與於不仁之甚者也

孟子告子上

有人於此力不能勝一匹雛則爲無力人矣今日舉百鈞則爲有力人矣然則舉烏獲之任是亦爲烏獲而已矣夫人豈以不勝爲患哉弗爲耳

孟子告子下

猛虎之猶豫不若蜂蟄之致螫騏驥之局蹐不若駑馬之安步孟賁之狐疑不若庸夫之必致也雖有舜禹之

智吟而不言不如瘖聾之指麾也此言貴能行之

史記  
淮陰

侯  
傳

臨焚之鳥不可去薪授首之寇何容緩斧

魏書南安王  
潁子英傳

行其道道可致也從其門門可入也立其禮禮可成也

爭其強強可勝也

太公六  
韜武韜

其視太行之險猶之步仞之丘

子華子  
虎會問

王獨不聞俞跗之爲醫乎已成必治鬼神避之

鵠冠子  
世賢

夫沐者有棄髮除者傷血肉爲人見其難因釋其業是

無術之事也

韓非子  
八說

鑽木取火掘井索泉

焦氏易林  
師之未濟

武王伐紂過隧則斬岸遇水則折舟示人無反志也

初學

記天  
部雨

子勉於前既登絕頂其苦亦息俯視一切皆微眇也

虛皇

四十  
九章

譬如大冶鍊金一切無不銷者

玉清經通  
濟幽冥品

喻林卷三十二

欽定四庫全書

喻林卷三十三

明 徐元太 撰

人事門

崇儉

六五賁于丘園束帛戔戔吝終吉

易賁

曷之用二簋可用享

易損

九五東鄰殺牛不如西鄰之禴祭實受其福

易既濟

生十殺一者物十重生一殺十者物頃空十重者王頃

空者亡

汲冢周書  
文傳解

羔羊鵲巢之功致也召南之國化文王之政在位皆節

儉正直德如羔羊也

毛詩  
羔羊

蟋蟀刺晉僖公也儉不中禮故作是詩以閔之

毛詩  
蟋蟀

古者明王所乘之馬繫於廐無事則委之以莖有事乃

予之穀言愛國用也於其身亦猶然齋而後三舉設盛

饌恒日則減焉此之謂有節也

鄭氏箋  
詩鴛鴦

諸侯不恒牛命士不恒豕禦而驕奢其闕乎治政

晉書  
石苞

傳

汙罇土鼓誠則難追畫卵彫薪或可易革

陳書世祖紀

工事無刻鏤女事無文章國之富也

管子立政

土事不文木工不斲金器不鏤衣無隅差之削冠無觚

羸之理

淮南子本經訓

未嘗稼穡粟滿倉未嘗桑蠶絲滿囊得之不以道用之

必橫

淮南子說林訓

夫有盡之物不能給無已之耗江河之流不能盈無底

之器也凡人利入少而費用多者猶不供也況無錙銖

之來而有千百之往乎

抱朴子內篇極言

冠足以修敬不務其飾衣足以掩形不務其美土事不

文木事不鏤足以示民也

意林晏子

明德后曰吾前過濯龍門見外家問起居車如流水馬

如龍亦不譴怒但絕其歲用冀以嘿止讙耳

藝文類聚獸部馬

蒿宮茅柱實興國之清猷玉席珠衣乃危邦之弊化

初學

記政理  
部貢獻



舜作食器流漆墨其上國之不服者十三禹作祭器墨

漆其外朱畫其內國之不服者三十三

周學紀聞卷十一攷史

### 克勤

惰農自安不昏作勞不服田畝越其罔有黍稷

書盤庚上

若乘舟汝弗濟臭厥載

書盤庚中

天惟喪殷若穡夫子曷敢不終朕畝

書大誥

若農之服田務耕而不耨維草其宅之既秋而不獲維

禽其饗之人而獲饑去誰哀之

汲冢周書大開武解

如怠惰之農苟自安逸不强作勞於田畝則黍稷無所

有

孔氏傳書  
盤庚上

就其深矣方之舟之就其淺矣泳之游之何有何無黽

勉求之

詩國風  
谷風

庭燎美宣王也因以箴之

毛詩  
庭燎

夫不鳥之慙謹者人皆愛之可以不勞猶則飛則下止

於樹木人雖無事其可獲安乎

鄭氏箋  
詩四牡

使農人之南畝治其禾稼功至力盡則疑疑然而茂盛

鄭氏箋  
詩甫田

人之欲種田求穀必準功治田穀乃可獲喻人君欲立

功致治必勤身修德功乃可立

毛詩正義甫田

必先種之乃得獲若先苗乃得畬也安有無事而取利

者乎

鄭氏註禮記坊記

譬如農夫是穰是蓂雖有饑饉必有豐年

左傳昭公元年

上國有言曰不索何獲

左傳昭公二十七年

宴安自逸若耽毒之藥不可懷戀也言其當自勞也

春秋

正義閔  
公元年

言已伐莒求利而不得惡日中不出譬如商賈求利不

得惡誼驚之聲

春秋正義  
昭公元年

農夫不怠越有黍稷誰能云作考之居息

後漢書  
文苑傳

神農之法曰丈夫丁壯不耕天下有受其饑者婦人當年不織天下有受其寒者故其耕不强者無以養生其

織不力者無以衣形

後漢書  
王符傳

且經史道德如採菽中原勤之者則功多

晉書涼武  
昭王傳

若弗勤春稼秋穡何期

宋書夷蠻  
天竺傳

執耜暨忘懸磬比室秉機或惰無褐終年

南齊書鬱  
林王本紀

女子不辨於致諸侯自吾不為汗殺之事人布織不可

得而衣故雖聖人惡用之

管子  
侈靡

吾欲致諸侯而不至為之柰何中婦諸子曰自妾之身  
之不為人持接也未嘗得人之布織也意者更容不審

邪

管子  
戒

曙戒勿怠後穡逢殃朝忘其事夕失其功

管子  
形勢

巫馬子謂子墨子之為義也人不見而耶鬼不見而富而子為之有狂疾子墨子曰今使子有二臣於此此其一人者見子從事不見子則不從事其一人者見子亦從事不見子亦從事子誰貴於此二人巫馬子曰我貴其見我亦從事不見我亦從事者子墨子曰然則是子亦貴有狂疾也

墨子耕柱

百人農一人居者王十人農一人居者強半農半居者

危

商子農戰

故仁人在上則農以力盡田賈以察盡財百工以巧盡  
械器士大夫以上至於公侯莫不以仁厚知能盡官職

荀子榮

辱篇

人之情不能無衣食衣食之道必始於耕織萬民之所  
公見也物之若耕織者始初甚勞終必利也衆愚人之

所見者寡

淮南子  
主術訓

滋滋焉汲汲焉如農之赴時商之趨利惡有不至者乎

孔叢子

居衛

故耕不强者無以充虛織不强者無以掩形雖以湊會之要陶室之術無所施其巧自古及今不施而得報不勞而有功者未之有也

鹽鐵論  
力耕

功業有緒惡勞而不卒猶耕者勸休而困止也夫事輟者無功耕怠者無獲也

鹽鐵論  
擊之

手足之勤腹腸之養也當世之務後世之利也

鹽鐵論  
結和

日趨月步周遍次舍

焦氏易林  
震之大畜

秦王一夜而三起范如覓遺

天祿閣外  
史楊時



夫為天子而有牛馬之勞則天子益尊為諸侯而有牛馬之勞則諸侯益強為大夫而有牛馬之勞則大夫益顯為庶人而有牛馬之勞則庶人益義

天祿閣外史桃林

譬猶作家云不事用他物者蓋謂有金銀珠玉在乎掌握懷抱之中足以供累世之費者耳苟其無此何可不

廣播百穀多儲果疏乎

抱朴子內篇微旨

仙之可學致如黍稷之可播種得甚炳然耳然未有不

耕而獲嘉禾未有不勤而獲長生度世也

抱朴子內篇勤求

神農不九疾則四經之道不垂大禹不胼胝則玄珪之

慶不集故救憂為厚樂之本暫勞為永逸之始

抱朴子外篇廣

譬

鷦斯羣行啄穀喻人黨比游晏賊害糧食有損無益也

揚子法言  
註學行篇

不樹者死無棺不蠶者身無帛不績者凶無縗君子暇

豫則思義小人暇豫則思邪

意林  
院子

如彼登山乃勤以求高如彼浮川乃勤以求遠

意林  
典論

學不勤則不知道耕不力則不得穀

太平御覽  
百穀部穀

人皆以無用害有用故知不博而日不足以博奕之日

問道聞見深矣

困學紀聞  
卷七論語

叔文相莒三年歸其母自績謂母曰文相莒三年有馬

千駟今母猶績文之所得事皆將弃之已母曰吾聞君

子不學詩書射御必有博塞之心小人不好田作必有

竊盜之心婦人不好紡績織紉必有淫佚之行好學為

福也猶飛鳥之有羽翼也

困學紀聞  
卷十諸子

若鑿井池得水受用其不鑿者無由致之

波羅蜜多經卷五百七十

二

故精進之於諸度也若銜捶之在羣馭馬正勤之於道

品也若鹽梅之資列鼎馬

波羅蜜多經五百九十卷序

譬如甘蔗若蒲桃子如其不壓不得其汁壓之則得

毘那

婆問經推九

如人少小勤苦多有所能亦多有所堪

大智度論卷十

譬如商人遠出深入得利必多

大智度論卷十三

乞食道人至一聚落從一家至一家乞食不得見一餓

狗饑卧以杖打之言汝畜生無智我種種因緣家家求

食尚不得何況汝卧而望得

大智度論卷八十五

在家懈怠失於俗利出家懶惰喪於法寶

法苑珠林卷八十三

### 適用

水能灌溉火能烹飪金能斷割木能興作土能生殖穀

能養育古之歌詠各述其功

尚書正義大禹謨

衣服之煖於身猶甘雨之潤於物

毛詩正義無衣

行聘之時唯執圭璋特得通達不加餘幣言人之有德

亦無事不通不須假他物而成

禮記正義聘義

子貢問曰賜也何如子曰女器也曰何器也曰瑚璉也

論語公冶

或矜執者欲以取勝為榮不念宋人待四海之客大鑪

不欲令酒酸也至於屈穀巨觔堅而無竅當以無用罪

之耳

後漢書孔融列傳

必也學非所用術有所仰故臨川將濟而舟楫不存焉

後漢書張  
衡列傳

爽與範內疎而智不及駑馬戀短豆必不能用也

晉書  
宣帝

紀

誠東南之遺寶宰朝之奇璞也若得託迹康衢則能結

軌驥驟曜質廊廟必能垂光璵璠矣

晉書戴  
若思傳

譬彼針與石效疾故稱良

宋書樂  
四志

夜衣錦繡誰別偽真刀鳴箭中倚牀無施

宋書樂  
四志

雲和備樂則繁會克諧驂騑服則致遠斯效

宋書武  
三王江

夏傳

懸饑在歲式美藜藿之飽重炎灼體不念狐白之溫故

才以偶時為劬道以調俗為尊

南齊書  
劉祥傳

如蓑裘之代用譬輪轅之曲直

梁書張緬  
弟績傳

吾言足用矣舍言革思者是猶舍穫而據粟也以其言  
非吾言者是猶以卵投石也盡天下之卵其石猶是也

不可毀也

墨子  
貴義

譬如藥然草之本天子食之以順其疾豈曰一草之本



而不食哉今農夫入其稅於大人大人為酒醴粢盛以

祭上帝鬼神豈曰賤人之所為而不享哉

墨子  
貴義

譬如水火殊性各適其用既無是非安得謂之是非乎

公孫龍子  
指物論註

魯人身善織屨妻善織縞而徙於越或謂之曰子必窮  
矣魯人曰何也曰屨為履之也而越人跣行縞為冠之  
也而越人被髮以子之所長遊於不用之國欲使無窮

其可得乎

韓非子  
說林上

今有馬於此如驥之狀者天下之至良也然而驅之不  
前却之不止左之不左右之不右則臧獲雖賤不託其  
足臧獲之所願託其足於驥者以驥之可以追利辟害  
也今不為人用臧獲雖賤不託其足馬已自謂以為世  
之賢士而不為主用行極賢而不用於君此非明主之  
所臣也亦驥之不可左右矣

韓非子外  
儲說左

故制事者因其則服藥者因其良書不必起仲尼之門

藥不必出扁鵲之方

陸子  
道基

世多稱古之人而高其行並世有與同者而弗知貴也  
非才下也時非宜也故六騏驎駟駛驤以濟江河不若  
窺木便者處世然也是故立功之人簡於行而謹於時

淮南子  
齊俗訓

凡萬物有所施之無小不可為無所用之碧瑜糞土也

淮南子  
繆稱訓

愚者有所修智者有所不足柱不可以摘齒筐不可以  
持屋馬不可以服重牛不可以追速鉛不可以為刀銅

不可以為弩鐵不可以為舟木不可以為釜各用之於其所適施之於其所宜即萬物一齊而無由相過明鏡便於照形其於以函食不如簞犧牛粹毛宜於廟牲其於以致雨不若黑蜥由此觀之物無貴賤因其所貴而貴之物無不貴也固其所賤而賤之物無不賤也

淮南子齊

訓俗

今夫圖工好畫鬼魅而憎圖狗馬者何也鬼魅不世出而狗馬可日見也夫存危治亂非智不能道而先稱古

雖愚有餘故不用之法聖人弗行不驗之言聖王弗聽

淮南子  
論訓上

砥石不利而可以利金撒不正而可以正弓物固有不

正而可以正不利而可以利

淮南子  
說山訓

聖人用物若用朱絲約芻狗若為土龍以求雨芻狗待

之而求福土龍待之而得食

淮南子  
說山訓

鼎錯日用而不足貴周鼎不燹而不可賤物固有以不  
用而為有用者地平則水不流重鈞則衡不傾物之尤

必有所感物固有以不用為大用者

淮南子  
說山訓

人莫欲學御龍而皆欲學御馬莫欲學治鬼而皆欲學

治人急所用也

淮南子  
說林訓

陶人棄索車人掇之屠者棄銷而鍛者拾之所緩急異

也

淮南子  
說林訓

三寸之管而無當天下弗能滿十石而有塞百斗而足

矣

淮南子  
說林訓

予拯溺者金玉不若尋常之纏索

淮南子  
說林訓

孤子語孝悌者語杖貧者語仁賤者語治議不在已者

易稱從旁議者易是當其局則亂

鹽鐵論救匱

瞽師不知白墨而善聞言儒者不知治世而善訾議

鹽鐵

論詔聖

馬効千里不必胡代士貴成功不貴文辭

鹽鐵論儒

玉屑滿篋不為有寶詩書負笈不為有道要在安國家

利人民不苟文繁衆辭而已

鹽鐵論相刺

猛獸狐疑不若蜂蠆之致毒也高議而不可及不若卑

論之有功也

說苑  
談叢

絲紵布帛人所衣服摻搔女手紡績繕織

焦氏易林  
困之中孚

匠鄉操斧豫章危殆

焦氏易林  
小過之師

言已乘八龍神智之獸其狀婉婉委委又載雲旗委蛇

而長也駕八龍者言已德如龍可制御八方也載雲旗

者言已德如雲雨能潤施於萬物也

王逸註楚辭離騷經

言橘實赤黃其色精明內懷潔白以言賢者亦然外有

精明之貌內有潔白之志故可任以道而事用之也

王逸



註楚辭

九章

言竹被潤澤上則歲澌而防蔽霧露言上能有所覆也  
下則冷冷清涼可休庇也以言已德上能覆蓋於君下

能庇蔭於民

王逸註楚辭七諫

江漢雖有美珠不為已用故不愛也

淮南子說山訓解

洗不必江河要之却垢馬不必騏驎要之足疾賢不必

聖人要之智通

武侯十六策陰察

倉頡之書世以紀事奚仲之車世以自載伯余之衣以

辟寒暑禁之瓦屋以避風雨夫不論其利害而從譏其  
造作是則倉頡之徒有非世本十五家皆受責也

王充  
論衡

對作  
篇

醫能治一病謂之巧能治百病謂之良是故良醫服百  
病之方治百人之疾大才懷百家之言故能治百族之

亂扁鵲之衆方孰若巧之一技

王充論衡  
別通篇

夫袞冕非禦鋒鏑之服典誥非救饑寒之具也

抱朴子  
外篇守

堦

禦暘之鳥厥名鶯鵲昏明是互晝隱夜覩物貴應用安

事鶯鵲

山海經北  
山經圖讚

蜘蛛有絲雖甚勉務非人所利用則不如蠶一綸之利也

太玄經第  
二務解

庖丁解牛適俗所傾朱泚屠龍無所用功苟乖世務雖

有妙術歸於無用

劉子  
隨時

救饑者以圓寸之珠不如與之橡菽貽溺者以方尺之  
玉不如與之短綆非橡綆之貴而珠玉之賤然而美不

要者各在其所急也方於饑溺之時珠玉寧能救生死

哉是以中流失船一壺千金貴賤無常時使然也

劉子  
隨時

鹿形似馬而迅於馬豺形似犬而健於犬國有千金之

馬而無千金之鹿家有千金之犬而無千金之豺以犬

馬有用而豺鹿無用也

劉子  
言苑

昔野人棄子貢之辨而悅馬圉之辭越王退吹籟之音

而好鄙野之聲非子貢不及馬圉吹籟不若野聲然而

美不必合惡而見珍者物各有用也

劉子  
命相

驥驟不常一步應良御而效足

李善註文選  
緒白馬賦

善吏如良鷹矣下韝即中

李善註文選鮑  
明遠東武吟

每念足下才為世生器為時出

李善註文選劉  
越石答盧諶詩

物之企競由乎不足政之不治才不合時故也心尚自

足不假美女之麗用會其朝不勞稷契之賢矣

李善註  
文選陸

士衡演  
連珠

赴曲之音洪細入韻蹈節之容俯仰依詠是以言苟適

事精麤可施士苟適道修短可命

文選陸機  
演連珠

音以比耳為美色以悅目為歡是以衆聽所傾非假北

里之操萬夫婉戀非俟西子之顏故聖人隨世以擢佐

明主因時而命官

文選陸機  
演連珠

寒者不貪尺玉而思短褐饑者不願千金而美一餐夫

千金尺玉至貴而不若一餐短褐者物有所急也

藝文  
類聚

歲時部  
寒表

朗鑑不塵精金能照

藝文類聚禮  
部祭祀文

玉映藍田金鉉之望已集木秀鄧林輪轅之用先表

藝文

類聚職官  
部丞相碑

凡鐘磬各有筭虞寫鳥獸之形大聲有力者以為鐘虞

清聲無力者以為磬虞

初學記  
樂部鐘

輪以代步屏以蔽容

太平御覽  
車部輜車

佇聞和鼎實行當奉介丘

初學記職官  
部諸曹尚書

至如宣可去壅即薑橘之屬是也通可去滯即通草防  
己之屬是也補可去弱即人參羊肉之屬是也洩可去  
閉即葶藶大黃之屬是也輕可去實即麻黃葛根之屬

是也重可去怯即磁石鐵粉之屬是也澀可去脫即牡  
礪龍骨之屬是也滑可去著即冬葵榆皮之屬是也燥  
可去濕即桑白皮赤小豆之屬是也濕可去枯即紫石  
英白石英之屬是也只如此體皆有所屬凡用藥者審  
而詳之則靡所遺失矣

本草  
一卷

以無制有器用者空

參同  
契

譬如商人有巧便智先在海岸裝治船已方牽入水知  
無穿穴後持財物置上而去是船必不壞沒人物安穩



達所至處

波羅蜜多經卷三百一十二

譬如燈光雖不暫住而能照了令有目者覩見衆色

波羅

蜜多經卷五百九十六

譬如金剛爲鑽物故隨所鑽處無不通達

波羅蜜多經卷五百九十

三

譬如明燈其焰微妙置之於室隨室大小衆闇咸除

大乘

顯識經推四

如人乘車塗以膏油不爲自高乃至莊嚴爲載運故又

如塗瘡不貪其味爲息苦故

雜阿含經卷十一

譬如陶家和埴調軟中無沙礫任作何器

太子瑞應本起經卷上

時有賈客大人名曰波利與百五賈人入海求寶時海神出掬水問波利言海水爲多掬水爲多波利答曰掬水爲多所以者何海水雖多無益時用不能救彼饑渴之人掬水雖少值彼渴者持用與之以濟其命

法句譬喻經二

華香品

如燈在密室其明得用

大智度論卷三十

又如重物披析令輕

大智度論卷六十五

譬如以金貿草不知者言何以以貴易賤答曰我事須

用故

大智度論卷九十五

譬如厚葉樹多所蔭覆又如熱時曠野險道清涼大池

大智度論

卷九十八

猶市賣物不選貴賤

大莊嚴經論卷八

珠生合浦魏人取以照車壁在邯鄲秦王請以華國天

下之寶當與天下共之

高僧傳八釋寶亮

效用

韓盧宋鵲呈才騁足

宋書樂四志

若實有螢爝增暉光景固其騰聲之日飛藻之辰也

宋書

孔凱  
傳

吾生既繫名聲之韁鑠就良工之剗剗振佩紫臺之上  
鼓袖丹墀之下采金匱之漏簡訪玉山之遺文敝精神  
於丘墳盡心力於河漢摘藻期之輦繡發議必在芬香

北齊書文苑  
祖鴻勳傳

道爲智者說馬爲御者良賢爲聖者用辯爲智者通書

爲曉者傳事爲見者明

陸子道基

簡子將渡用楫者少一人媚攘卷操楫而請曰妾願備父持楫簡子曰不穀將行選士大夫齊戒沐浴義不與婦人同舟而渡也媚對曰妾聞昔者湯伐夏左驂北驪右驂牝靡而遂放桀武王伐殷左驂牝騏右驂牝驥而遂克紂至於華山之陽主君不欲渡則已與妾同舟又

何傷乎

烈女傳周列國趙津女媚

高脚疾步受肩喜趨

焦氏易林  
晉之泰

牛牧于農而役于農故效並耕之勞馬畜于人而乘于人故收並戰之績諸侯爵祿于國而不能扞于國何歟

天祿閣外  
史自強

夫君視士如腹心故能顯其德士自視如牛馬故能盡其心此百里奚所以勞于秦而逸于虞也今之士豈無牛馬之心乎顧其君之任與不任乎

天祿閣外  
史桃林

言龍既升天奮搖翹羽馳使風雨言已亦願動竭智謀

以輔事賢君流恩百姓長無窮極也

王逸註楚辭九歎

或曰文史筆札之能而治定簿書考理煩事雖無道學筋力材能盡於朝廷此亦報上之效驗也曰此有似於貧人負官重責貧無以償則身爲官作責乃畢竟夫官之作非屋廡則墻壁也屋廡則用斧斤墻壁則用築鍾荷斤斧把築鍾與彼握刀持筆何以殊

王充論衡量知篇

寶棄怨何人和氏有其愆

曹子建贈徐幹

不拯招魂之病則無以效越人之絕伎不獎多難之世

則無以知非常之遠量高拱以觀溺非勿踐之仁也懷

道以迷國非作者之務也

抱朴子外篇嘉遯

譬若理尺璧於重壤之下封文錦於沓匱之中終無交

易之富孰賞煙翳之珍哉

抱朴子外篇任命

冀王道之一平兮假高衢而騁力懼匏瓜之徒懸兮畏

井渫之不食

文選登樓賦

夫臨博而企竦聞樂而竊抃者或有賞音而識道也

文選

曹植求

自試表



冀以塵露之微補益山海螢燭末光增輝日月

文選曹植求自

試表

夫才生於世世實須才和氏之璧烏得獨曜於郢握夜  
光之珠何得專玩於隨掌天下之寶固當與天下共之

文選劉琨答  
盧謏詩序

鈐刀貴一割夢想騁良圖

文選左思  
詠史詩

玉壺必求以盛干將必求以斷

文選樂府鮑明  
遠白頭吟註

若得驂軌鸞衡服襄駿足則機石之良選可以對揚萬

里者也

廣文選庾仲初薦唐史賤

春鷓秋蟀集候相悲露木風螢臨年共悅夫惟動植且

或有心況在生靈而能無感

廣文選王元長求劾啟

老驥伏櫪志在千里烈士暮年壯心不已

廣文選曹孟德碣石篇

寧能偶雞鶩寂寂隱蓬蒿

藝文類聚人部遊俠詩

楚聞騏驎不遺能於伯樂良寶不藏耀於卞和是以輝

光夜射價連秦趙飛駟絕影終朝千里物尚有之士亦

宜然

藝文類聚治政部薦舉賤

橘柚垂嘉實乃在深山側聞君好我甘竊獨自雕飾

藝文

類聚果部橘詩

夫抱道不行猶無道也握寶不用猶無寶也

太平御覽道部養生

欲使白牛有長路之能寶舟有彼岸之力也

法苑珠林卷九十六

### 善用

狼之老者則領下垂胡狼進前則躡其胡卻退則踰其尾是進退有難然猶不失其猛能殺傷禽獸以喻周公攝政之時遠則四國流言近則王不知其志進退有難

然猶不失其聖能成就周道

毛詩正義狼跋

駢駢然調和者角弓此角弓雖則調和當善用之若不  
善置繼繫而巧用之則翩然而其體反戾矣是用角弓  
之難也以興和順者宗族也此宗族雖則和順當善待  
之若不善設食燕而恩御之則亦憤然而其心怨恨矣

是待宗族之難也

毛詩正義角弓

玉體雖有庶稜而不傷割於物人有義者亦能斷割而

不傷物

禮記正義聘義

火生而有光而不用其光果在於用光人生而有才而不用其才而果在於用才故用光在乎得薪所以保其耀用才在乎識真所以全其年

晉書孫登傳

公儀伯以力聞諸侯周宣王備禮以聘之公儀伯至觀形懦夫也宣王心惑而疑曰女之力何如公儀伯曰臣之力能折春蠶之股搃秋蟬之翼王作色曰吾之力者能裂犀兕之革曳九牛之尾猶憾其弱女折春蠶之股搃秋蟬之翼而力聞天下何也公儀伯長息退席曰臣

之師有商丘子者力無敵於天下而六親不知以未嘗  
用其力故也臣以死事之乃告臣曰人欲見其所不見  
視人所不窺欲得其所不得修人所不爲故善視者先  
見與善聽者先聞撞鐘夫有易於內者無難於外於  
外無難故名不出於一家今臣之名聞於諸侯是臣違  
師之教顯臣之能者也然則臣之名不以負其力者也  
以能用其力者也不猶愈於負其力者乎

列子  
仲尼

惠子謂莊子曰魏王貽我大瓠之種我樹之成而實五

石以盛水漿其堅不能自舉也剖之以爲瓢則瓠落無所容非不矜然大也吾爲其無用而梧之莊子曰夫子固拙於用大矣宋人有善爲不龜手之藥者世世以泝泝統爲事客聞之請買其方百金聚族而謀曰我世世爲泝泝統不過數金今一朝而鬻技百金請與之客得之以說吳王越有難吳王使之將冬與越人水戰大敗越人裂地而封之能不龜手一也或以封或不免於泝泝統則所用之異也今子有五石之瓠何不慮以爲大

樽而浮乎江湖而憂其瓢落無所容則夫子猶有蓬之

心也夫

莊子逍遙遊

惠子謂莊子曰子言無用莊子曰知無用而始可與言用矣夫地非不廣且大也人之所用容足耳然則厠足而墊之致黃泉人尚有用乎惠子曰無用莊子曰然則無用之爲用也亦明矣

莊子外物

推而後行曳而後往若飄風之還若羽之旋若磨石之

隧

莊子天下



一尺之樨日取其半萬世不竭

莊子  
天下

熊之搏擊必先伏而後動故分威法伏熊

鬼谷子本  
經陰符註

未見形圓以道之既形方以事之

鬼谷子  
反應

人莫不貴其所有而賤其所短然而皆溺其所貴而極其所賤所貴者有形所賤者無朕也故虎豹之強來射  
猿狖之捷來措人能貴其所賤賤其所貴可與言至論

矣

淮南子  
詮言訓

王良善御伯樂知馬周旋步驟行中規矩

焦氏易林  
遯之豫

初一赤卉方銳利進以退測曰赤卉方銳退以動也

太玄

經第  
三更

天下事有不可知猶結有不可解也兒說善解結結無有不可解結有不可解兒說不能解也非兒說不能解也結有不可解及其解之用不能也聖人知事事無不可知事有不可知聖人不能知非聖人不能知事有不可知及其知之用不知也

王充論衡  
實知篇

抱薪赴火燥者先燃平地注水濕者先濡此類相應也

智者不用其所短而用愚人之所長也不用其所拙而

用愚人之所巧也

意林  
鬼谷子

善論者不恥謝善戰者不羞走

藝文類聚  
治政部論政表

雖畜銳以將取必居謙以自牧譬猛獸之將擊亦俛耳

而固伏

藝文類聚  
巧藝部圍碁

乘船曲折不失其瀆是善乘舟者

太平御覽  
舟部叙舟中

善吏如良鷹下韝即中

太平御覽  
職官部功曹參軍

裴氏新書曰虎豹無事行步者若將不勝其軀鷹在衆

鳥之間若睡寐然故積怒而後全剛生鳥

埤雅品  
物門鷹

禽經曰鷺啄則絲偃鷹捕則角弭藏殺機也

埤雅品  
物門鷺

病有在毫毛腠理者有在皮膚者有在肌肉者有在脉  
者有在筋者有在骨者有在髓者是故刺毫毛腠理無  
傷皮皮傷則內動肺肺動則秋病溫瘧沍沍然寒慄刺  
皮無傷肉肉傷則內動脾脾動則七十二日四季之月  
病腹脹煩不嗜食刺肉無傷脉脉傷則內動心心動則  
夏病心痛刺脉無傷筋筋傷則內動肝肝動則春病熱

而筋弛刺筋無傷骨骨傷則內動腎腎動則冬病脹腰痛刺骨無傷髓髓傷則銷鑠肝酸體解依然不去矣

黃帝

素問內經  
刺要論

徐而疾則實者徐出鍼而疾按之疾而徐則虛者疾出

鍼而徐按之

黃帝素問內  
經鍼解論

五藏者故得六府與爲表裏經絡支節各生虛實其病所居隨而調之病在脉調之血病在血調之絡病在氣調之衛病在肉調之分肉病在筋調之筋病在骨調之

骨黃帝素問內  
經調經論

病在上者下取之病在下者高取之病在頭者取之足  
病在足者取之膕病生於頭者頭重生於手者臂重生  
於足者足重治病者先刺其病所從生者也  
黃帝素問  
靈樞經終  
始

病之始起也可刺而已其盛可待衰而已故因其輕而  
揚之因其重而減之因其衰而彰之形不足者溫之以  
氣精不足者補之以味其高者因而越之其下者引而

竭之中滿者瀉之於內其有邪者漬形以爲汗其在皮者汗而發之其慄悍者按而收之其實者散而瀉之

黃帝

素問內經陰陽應象大論

岐伯曰清者其氣滑濁者其氣濇此氣之常也故刺陰者深而留之刺陽者淺而疾之清濁相干者以數調之

也

黃帝素問靈樞經陰陽清濁

譬如水火知用之者可以養生不能用之者立可死矣

養性延命錄御女損益篇

譬如明智人善能用於火成熟種種味不爲火所燒大寶

積經卷

二十二

譬如有人手執金刀若不善解執持自當損害蕪婆童子經

卷下

猶人求火以槁木爲母以燥鑽鑽彼人如是爲得火不  
答曰得也所以者何彼以燥鑽鑽於槁木是故必得阿

舍經卷

二十

譬朽木之爲舟乃濟度之津要何虛費之有哉弘明集釋駁論



夫刃之有利砥礪之功故能水截蛟螭陸斷兕虎若窮

利盡用必摧其鋒鍔化成鈍刃

弘明集九

譬如藥師或以良藥或以毒藥治人病也佛亦如是以

煩惱如佛以愛度難陀以瞋恚化惡龍比也

羅什譯維摩詰經善

品  
薩行



喻林卷三十三